

衢州文獻集成

〔集部〕

第
192
冊

衢州文獻集成

黃靈庚 諸葛慧艷

主編

〔集部〕

第
192
冊

國家圖書館出版社

第一九二冊目錄

不其山館詩抄十二卷(卷十至十二)

(清)鄭永禧撰
清稿本

一

附老盲吟一卷

(清)鄭永禧撰
胡氏家藏民國抄本

一四三

古文奇艷八卷(卷一至四)


(明)徐應秋輯
明萬卷樓刻本


一五七

不其山館詩鈔

第五冊

鄭永禧著






卷十	1894
卷十一	1895
卷十二	1896

郑永禧著

胡鳳昌 复印留念

不其山館诗鈔
第五册

备注：郑永禧另有部编著
西安怀旧录
市博物馆



外孙 胡昌昌 2004.4.2.



不其山館詩鈔

卷十

小桃紅窗下吟

甲午

三衢鄭永禧緯臣稿

新聞書堂詩以志之

荒園拓得地三弓
布置軒牕裏外通
不用買春多破費
鄰家分贈小桃紅

春日南郊即目

日暖風和蕩麴塵
小晴天氣最宜人
連朝喜報東君信
村有梅花便得春

軟弱東風柳欲絲
野塘過雨綠差差
分明一幅春羅縠

却要陶家作繡師

春入棠陵塢

四面嵐光淡亦宜健游不覺路巉崎空山布穀鳴春早
幽谷寒梅破臘遲細雨有絲梳嫩草斷雲如袖桂交枝
人家是處藏山曲遙見邨烟起午炊

山樓卧雨

宵寒擁被坐山樓可奈瀟瀟雨不休慘澹鐙光搖帳幕
鐙鏦鐸語答簾鉤林高宿鳥驚春夢地僻荒雞誤曉籌
萬斛珠泉傾不盡朝來都併入谿流

○ 橫塘感舊

昔年曾入橫塘路彼此無猜雨小閒花下停車同拾翠
柳陰拋堦戲連環望盈秋水留香澤語軟春風解笑顏
今日欲尋卿住此渺如千里隔蓬山

○ 元夕

花光燭彩閃層層月朗長空興致增不是東風遞我約
天教留看故鄉燈

聲聲羯鼓雜鈔鑼燈會今番較勝多料著去年田事稔
沿村兒女唱秧歌

左侯祠內松

百尺峩峩仰古松當年曾受大夫封
精忠墳上朝南柏何似祠堂一卧龍

福將軍祠前柳

蕭蕭細柳碧絲縈留取濃陰護一城
今日春風安萬井徐行猶說亞夫營

藥師庵看菜花

原是精藍境興亡閱古今我來塵劫後
布地散黃金花雨繽紛息重行見古庵坐忘形
一色黃面老瞿曇

馬王廟看桃花

桃花萬樹開豔冶堤上人騎桃花馬為問馬好桃花好
桃花與馬不相下追風一陣橫空來花飛片片如雨瀉
四蹠蹋落花紅泥碎遍野歇馬拴柳陰柳陰籠碧瓦小
憩藉花裯圖畫從容寫巍巍坐上神衣冠儼王者馬王
馬王亦風雅桃花照面顏如赭

羅蓬圓比部北上原韻贍別

日月雙丸易轉旋公卿趁早黑頭年羨君已展雲霄翮
愧我猶耽翰墨緣報稱何時為國用書香永世守家

傳幾多 上苑看花客得意春風走一鞭

回首當年入 帝鄉早隨天仗侍鵷行酬庸典禮

重恩渥待漏趨 朝五夜涼鶴夢未離郎署月馬蹏

又踏薊門霜下臣草莽無他向一點丹心捧太陽

歷盡危途九折中那分陽孝與尊忠題襟影散離支雨
拂袖香寒桂子風千里馳驅艱物色一身飛伏決雌雄
終軍無路長纓請異域何曾見立功

又向天涯續舊遊鶯花滿目寫離憂亭前流水思脩禊
湖上春風語莫愁行李一肩隨處好垂楊萬縷儘情留

他時遂封侯願非慰紅顏慰白頭

○ 附留別詩

匆匆北上又南旋一別長安倏五年
指顧鴻都成往事何期鶴夢有重緣
君恩屢錫臣家渥新景深慚
舊聞傳為念覓官隨杖履駑駘也
許著先鞭

才說新昏返故鄉無端兒女忽成行
閩山隨宦秋風早浙水觀潮夜月涼
鏖戰一場如夢幻飢驅千里閱
星霜蹉跎少日光陰逝畢竟戈難挽
魯陽

讀禮三年一瞬中敢云移孝作公忠
蛟龍失水非靈

物鴻鵠摩天得順風
搖泛銀河神色壯
碑題銅柱姓名雄
丈夫何日君親報
忍負先人汗馬功

二月春風賦壯遊
臨歧強說百無憂
囊空負積千鈞累
舟小裝餘萬斛愁
情重故人潭水闊
望深親舍白雲留
燕山薊樹增惆悵
可有寄隴頭

雨後偶成

嫩葉離離暈翠微
簾疏不礙燕交飛
連朝春雨無人到
滿繡苔花作地衣

桐村道中